

尚

綱

堂

集

尙絅堂詩集卷三十

陽湖 劉嗣綰 醇甫

蓬心集 辛酉

四十無聞一邱將老因人碌碌重赴公車莊叟所謂
猶有蓬之心也夫

正月二十六日五更渡江作

篙師五更喧渡江風濤入枕相舂撞卷天月浪濕無際眠
夢水精開八窓星辰搖空似仙島兩點金焦看更小隔江
借得漁火紅貪睡魚龍不知曉五年十度長風便多恐江
神笑塵面江花江柳亦愁人催得離帆成一箭亭亭初日
懸銅鉦却望海門雙眼明推蓬起立發高唱潮頭已落聞

鐘聲

題襟館重晤樂蓮裳卽贈

臨川一枝筆夜夜照江湖詩入三吳體裝開百粵圖看花
成小隱縱酒得狂呼明發相思起連天唱鷓鴣

邗江舟夜簡祁生祐甫

江皋烟月倦追尋各抱閒愁擁客衾千里星河開酒面一
船風露隔琴心剪刀放後春全破書卷拋來夜更深欲寄
吟箋歸路遠斷橋流水是知音

晚過霅社湖

風剪一帆斜漁莊入畫家流民多似鴈榜客亂於鴉珠影
落殘月笛聲飛斷霞舊遊重此憶秋夢在蘆花

抵淮

照影清流上短槎征衫已是厭風沙客踰淮後渾如橘春
過江來不著花是處神仙有雞犬何年伴侶雜魚鰕客中
一飯匆匆甚漂母祠邊日易斜

漁溝曉行

五更鈴語各西東喚起征人短夢中冷酒不開醒醉事殘
鐙都付合離風門前古道餘疲馬天外高樓有斷鴻底事
郵塵忘不得殷勤還理舊詩筒

車中感賦示同行諸子

車蓋隨飄蓬鄉思日搖曳柳條不肯綠那得春光繫行行
出廣陌不計離家地江淮互襟帶繚繞忽天際遠水時一

明浮空樹如薺平沙况浩漫極目阻迢遞歸鴉墮騷屑去
鴈激淒戾同行吾所親鄉語足餘味所恐風塵多衣薄苦
難避衣薄親則思衣縞豈親意感此遊子懷停雲雪成涕
經郟城

路入山程隔水程長途鈴鐸笑勞生風牛渺渺分殊界雲
鳥荒荒問故城閒讀斷碑循岸曲愛看高樹記邨名衣裳
不是南來色日日驚沙亂雨晴

大風渡沂河作

風色莽平野沂流厯亂迴舟車爭水渡沙石徙山來此地
可祓濯無人同潮洄與丁不解事渡口轉晴雷

車行晚興

板橋西畔晚停驂
貪看波光亦太憨
鋪出簾紋新綠色
可能借我夢江南
驛燈催起尙黃昏
絲柳成煙半挂門
看取日來清瘦處
月銷殘
覓客銷魂

岱廟

華嵩兵氣尙飛揚
東岱眞靈靖海疆
天下盡看雲變化
峰頭初見日蒼茫
青連畫壁分齊魯
碧鎖豐碑紀漢唐
極目橋陵弓鳥在
陰風吹淚滿衣裳

過平原

且作平原半日留
郵塵如夢入鄉愁
一杯冷酒無澆處
鞭影匆匆過趙州

走馬邯鄲已暮春不堪重拜路旁塵勞勞似此君應笑我
亦當時十九人

晚過黃河厓

一笑黃河遠垂鞭復此厓衣痕吹野馬風色落神鴉奇石
古文格枯松名畫家驚心車下坂况乃路欹斜

趙北口

春來憔悴別江潭聽到河聲小駐驂一折長橋一回首便
如江北望江南

烟唱聲聲入晚霞水田影裏足生涯春流不肯上天去綠
徧漁莊三兩家

過河間

城邊河流出大東民間猶識獻王風詩箋冷落尋郵壁歌
管銷沉付學宮盡日數錢逢姹女當年采藥記仙童風沙
一路蓬萊淺還說登瀛是此中

過蔡浣霞齋憩藤花下

紫雲樓閣是僊家來訪當年蔡少霞鋪得花茵三兩尺不
妨留住輓紅車
黃簾碧簾影璵璠曲曲藤身入畫中那要剡谿持作紙滿
庭章草自書空

海棠下得句

名花無地主空界色殊絕佇蝶弄午晴尋蜂赴春悅風旛
爭過眼雨鐸自搖舌攀折毋後時朝來死芳節

法源寺看花戲示同遊者

尋春特爲叩禪扃
醉眼看花不肯醒
一例被他紅紫笑
我衣還白爾衣青

野外晚歸

林烟成死灰
衆綠歛孤暝
鬼鐙高原來
旋轉入陰井
小月隔沙黃
照人生短影

宿龍泉寺簡周劉雲

不知蕭寺遠
清夢墮虛廊
古佛與苔綠
病僧如茱黃
到來皆石友
小住卽壺鄉
笑問北山客
何年歸草堂

空庭無五月
秋意坐來深
蟲鳥學新語
松篁生古音
行雲流入屐
片月碧於襟
夜半落風果
無人知苦心

樹根墨床歌

墨娥夜泣空原樹萬葉寒蟲抱香蠹悽烟怨而不分明拋
入書叢滴殘露讀書樹底秋風生孤根却伴松烟橫黛螺
古綠冷眉子眼中不識山元卿蠶眠字織魚文繭海苔紙
薄愁深淺一蛩來和隔牆聲濃墨催詩墮鴉點

唐六如美人枕書圖卷

東風不鎖嬈嬛洞蝴蝶拋春入幽夢遊絲罥綠壓簾衣一
枕殢雲當晝重鸚哥隔院聞呼名茶烟上榻浮深青香鬟
十八裊成篆折脚古釵無數橫盤鴉脫手向誰好燈前擁
髻憑顛倒蠹魚不分作神仙識得相思天亦老畫圖幾許
烟螺痕背書唐字愁黃昏隔牆喚起一九月桃花塢裏亭

亭魂

小蓬萊館酒器歌爲李虎觀比部賦

銀槎昨夜天河迴
唾花落酒雲鱗開
一灣清淺照人世
僊風吹出金銀臺
金銀臺下蓬萊觀
謫仙舊日依香案
茗椀熏爐事事清
笛床笙簟沓沓換
呼童折簡召星曹
步下天風鶴背高
雪到冰心同碧瀉
摸來瘦骨笑香桃
酒人胸次儘陶寫
相邀白墮飛千竿
愧我家聲負二豪
輸君韵事傾三雅
日向壺中便似年
玻璃小海蔚藍天
窺簾鸚鵡爭呼客
捧杓鸚鵡競欲僊
官哥別樣鬪新巧
野火鴛鴦亦飛繞
黃到鵝兒卵色圓
紅分螺子冰文小
平頭幾輩黃偏提
荷葉新筒前未齊
隔座借看銀鑿落
當筵催換玉東西
高歌

起立拍銅斗芒角森腸花落手但聽鴈呼格磔多也知鶴
飲尋常有酒闌忽地憶星辰幾許蓬萊舊主賓采藥金仙
前日事投壺玉女再來人天公醉後幾今古蘭香妙曲荷
香鼓一夢荒唐睹紫瓊三生墮落擲黃土仙姝當日盡垂
髻霧縠烟裳隔絳霄珠履三千空宛宛碧城十二太迢迢
人間宴罷思藍尾天上歌闌記綠腰縱留後會尋鸞島還
指秋期限鵲橋蕉風竹露愁無際拂拂空階餘酒氣初月
黃於土榨時落霞紅煞流觴地瑤闕瓊樓夢不圓玉山一
倒且頽然朝來人海沉酣處還借東坡藥玉船

雨夜

蕭然破屋成籬條推枕夜坐生歎吁風燭搖空影悄悄水

伊先生集卷三
二
漚入定身如如蝸牛半壁學殘畫蛙鼃一床浮亂書遙知
長波接彼岸可有短夢歸吾廬

奇麗川中丞招食全羊戲成一律

換羊書不用髯仙只當山人手擊鮮爛到封侯公合笑瘦
如博士我應憐奏刀豈有全牛目拔劍還堪一斲肩卽此
便知風味別党家羔酒足殘年

積雨紀事六首同祐甫作

盡日愁城壓漏天浮家多恐岼無邊蛟龍得水將人困雞
犬移居並宅僊草綠半空搖堊屋梅黃四漲失陂田井甃
入甃魚生釜六月風光似禁烟

銀河卷却舊紅牆百尺飛流一道梁蝸角有人愁面壁龜

跌何地穩支床橋容渡海成僊界岸好牽舟當故鄉怪底
波濤中夜落隣居一半在空桑

函開日日校河渠便抵江湖一草廬窺篋衣魚欺豚望拂
窗海燕學爰居呼童且著登山屐送客難乘下澤車盼斷
寄書郵匝月浮沈世界渺愁余

盲風吹野冷于秋村郭渾如大海漚人鬼荒唐投破寺水

雲慘淡抱危樓浮川牛馬看偕至蹋浪龍鼉愛遠遊

近有老龍

數十百由海子移張家灣指點船真天上坐昆明湖路卽瀛洲

令行秋獮特停鑾總爲閭閻厯暑寒六府金錢頒夏后

千厘土木飭冬官祭風典肅壇前表承露恩濃掌上盤一

紙詔書齊感泣流民繪入御屏看

門外埋輪道路賒須防力士更翻車河邊正洗千軍甲

中

屢得捷音

海上先浮六月槎

訓典試諸君

從卜宣房歌瓠子會看矮

屋賦黃花

時鄉試改期九月

新詩徧寫無乾壁字字添他漏脚斜

獨漉二篇東城外諸故人

獨漉復獨漉水深泥更濁水深猶自可泥濁汗我足嗟我
素心友問月隔城曲思君車輪轉所苦車折軸一日千迴
腸門前往而復作書附魴鱖恐入海魚腹昨日寄書人朝
來腹中哭

獨漉復獨漉水深泥又濁泥濁猶自可水深浮我屋比鄰
纔十戶瓦解已五六波光蕩魂魄一命迸風燭朝爲翳桑
餓暮入空桑宿何況經飄流死別到骨肉嗟嗟勿復吟獨

漉傷人心

題卧松橫卷

吾家遠祖工篆龍畊煙日逐芝田東一鱗一爪蛻空濶山
頂落落生孤松松根在天枝在地屈曲人間不如意兀然
不受秦皇封僵卧千年任游戲卧龍疑是松化身廟門與
柏爭冬春松耶柏耶兩何有突見支離此中叟天風怒絕
橫攬擎倒伸一臂如夜叉得毋黃山九老缺其一虬髯走
入山人家松枝掃壁作麈尾韋偃不來松不起昨宵雷雨
下空堂青竹鞭龍走千里吁嗟乎萬間避雨今則無不如
卧隱蒼松圖

背光鏡歌

江心夜鎖潛蛟宮冰奩鑄出元霜中一絲兔脚挂空壁古
月入簾飛向東菱花綠黯幾千載相面何人偏相背隱隱
層雲隻手翻潭潭定水孤懷對秦臺膽破愁荒寒百怪退
走雙龍蟠空明照見古人影清淚滴盡銅仙盤軒轅十二
飛光死井底迴文讀心史方池幻出影娥居夜夜秋堂水
聲去聲眸子

夢劉雲書示

中庭白曉樹栖鴉猶有蟲聲透綠紗昨夜分明見元九夢
中詩句寄桐花

雨霽

乾鵲簷前第幾聲臨池帖喜仿時晴貪看松蓋因投寺愛

駕柴車便出城雙屐尙聞新水響
單衫都有古苔生
遙知夢穩西堂夜添得池邊打六更

天馬篇爲麗川中丞題照

天生天馬行西天
瑤池不受周王鞭
人間誤貢漢天子
天馬出天行不止
我遊黃金臺十二
天閑開長鳴不得
圖龍媒舉頭天外
迺見公歸來
公氣如虹馬如電
立馬人中與公面
分身瞥入天馬圖
飛出吳門舊時練
吳門寫此已十春
公時西行未入秦
躍馬登山飲馬過
崑崙霜鞭一掣住
不得馬蹄蹋上青
天垠長驅萬里窮
剋寶風鬃霧鬣雲
花身凌煙下界者
誰子隻手笑縛生
麒麟空中不脛走
飄忽如車輪寸人
豆馬滿平地見馬
天馬人天人只今
展卷

屹相向馬尙盤旋似天上此圖尙是公精神出入人寰現
真相我識馬兼識公骨相傲儼將毋同九方歎眼千里手
無此意匠人天中雲螭月駟橫絕萬萬古凡馬一洗羣皆
空我歌天馬歌止此爲馬寫生馬心死馬亦圖中立雙耳

夜坐

剪破芭蕉色窻紗綠一層蝶魂飄夜幌蟲語落秋鐙耽寂
廢童僕得閒踈友朋任他榮辱在小坐卽枯僧

銀河篇

妬羅雲薄魚鱗鱗一碧銀灣無點塵烟廊水殿洗秋魄古
月浴波看更新短風吹秋不到地縹緲屏開夢無際美人
高卷夜明簾裊斷空中珮聲細星橋迢迢天上斜烏頭白

盡笑仙家紅臉露滴相思淚一夜牽牛盡著花

爲董超然題琵琶俠樂府

不用霓裳滾六么不須鵲索走三條竹枝十首當筵奏抵
得宮人記洞簫

紅粉青衫絕世才名心莫怨榜空開對山第一崑崙手也
向江湖落魄來

響竹詞

天風脩脩弄孤響秋蠅亂擘蠟蛸網絲絲午夢破空來卷
綠湘波搖一掌墨花灑點開屏風橫斜字腳臨池工節雲
裂雨聲瓏瓏滿堂弔客冰山中黃簾逐暑走千里繁吹成
烟飛不起日暮青鸞掃碧階竹梢涼入風螢尾

新秋西齋卽事

荷得劉伶鍾朝來載酒行
欹松矜晚格墜果約秋聲
風外聽蟬唱烟中喚鶴
畊天憐幽草在畫出一分晴

東董超然卽題卷後

董公真健者一卷足長城
無地筆橫掃有時花怒生
上書餘意氣顧曲當科名
百尺梧桐樹須聽老鳳聲

姚春木以秋夜聞雁詩屬和得二首

桑乾秋漲接陂池澤國哀音此一時
雲水生涯蘆荻杳江湖心事稻粱知
秦箏易落千行淚漢帛曾傳五字詩
料理碧天歸夢遠櫓聲搖過兩三枝

烟波冷到鷺鷥盟揀盡寒枝亦可驚
毛羽有誰真愛惜雪

泥如我太分明書空漫欲留文字題塢何曾羨姓名如此
秋光不歸去朝朝風雨憶彭城

中秋夜偕釣雲竹素過三元精舍

把盞閒邀月栖心且坐禪風燈收澹白雲磬落孤圓大地
空中影諸天世外緣瑤樓寒幾許仙樂亦悽然

尙絅堂詩集卷三十終

尙絅堂詩集卷三十一

陽湖 劉嗣綰 醇甫

蕭寺集 辛酉

辛酉秋移寓保安寺砌花數種綴以小闌雨鈴風磬
間出韻語爲軟紅中闕一清涼界也

寺夜

聽秋無定樹一夢落梵宇殿鈴來天聲夜靜答人語修廊
隨竹轉古逕沿苔取偏栖託幽罔忽復念儔侶霜高鶴引
吭風急鴈橫羽中有關河魂裴裒不能舉

庭前偶置小闌作

碧砌三分竹紅墻數尺蕉春泥痕脉脉秋水夢迢迢風露

兼懷冷樓臺正寂寥月明無倚處惆悵立中宵

再送劉雲入陝中

脫我身上裘贈子腰間刀出門慘將別風日寒蕭騷年來
數蹤跡與子同遊教古寺枕城南偏栖遠煩囂維時值淫
雨牆塌成堂均支牀龜兩版仰屋雞三號往來雜歌泣坐
臥兼詠嘲君才固浩瀚如海驅波濤風騷揆本原歎醜餽
其糟鸞鳳嘯儔侶衆鳥徒嘈嘈么絃登廟堂空谷遺雲璈
惋惜金縷衣吁嗟鬱輪袍再試再不第同輩如逋逃浩然
獨西行望望旌旗勞陰山雪皚皚黃河水滔滔插天一枝
筆擲上秦雲高側聞關隴地羣盜多於毛秋燐聚戰血鬼
哭狐狸噪恨無折衝任帷幄揚鈴鞘草檄名陳琳飛書用

枚舉復無親民責讀律如蕭曹日化梗頑俗俾得歸甄陶
期君自樹立志節凌雲操文追漢京茂氣與扶風豪書生
貴有用力足迴浮澆毋爲逐波靡委謝隨蓬蒿孤心君早
振短髮吾方搔天宇正寥廓不得同翔翔老馬識君途哀
鳴向空槽涼州未終曲一斛傾葡萄

蔡湘巖將之大梁荅其留別作

冷楓衰柳送吟鞍君去夷門路渺漫梁苑重開詞客散燕
歌一別酒人寒琴餘焦尾聲都死燭儘傷心淚亦乾收拾
連宵殘夢在他年尋不到長安

晚坐得句

敗葉響如雨窅然開綠房簾櫳三伏遠鐘磬六時長初地

有山意暮天搖水光一星寒碧處佛火在空廊

送施雪帆南旋

思君嶺頭雲夢君橋上霜與君別廿年驚顧各老蒼君才
固淵海探古如取囊搜奇鬼破膽索隱怪入腸驅身就詩
窮縱志成酒狂高歌天地隘長嘯風雲昂橐筆走百粵結
裴浮三湘昨日來長安遇我屠沽旁爲我述舊遊氣短不
能長君時正年少突出凌侯王豪追五陵客醉挾邯鄲倡
師門蔣清容與朱河旗鼓雄相當詞壇好身手健者推余雲少
黃仲山邱一朝慟大海迴風揚海亦不可卽山亦不可望
顏垣出荆棘是昔遊讌場道旁雙石人涕淚流浪浪問君
昔年詩十已八九亡得毋歷灰劫地下相攜將秋墳多故

八夜夜唱白楊一燈影紙閣迸作青燐光攬衣不成寐中
宵起徬徨天明忍言別哀鴈方南翔

陶然亭晚歸

寒色墮蒼莽望如登樓茲亭枕寥廓閱此春復秋長林
選哀吹折葦搖古愁蕭黃自中路廢綠猶遠洲人烟互慘
淡鬼語方幽脩歸途月來照瘦影低松楸

悼張海客

何意天涯竟哭君城西葉落記離羣無家那得埋憂地未
死空傳誓墓文故里人猶思舊笏海客爲遂寧相公鵬翮曾孫他鄉鬼
已唱新墳誰憐令弟謂船春明路悽斷江東日暮雲

題夏節愍公遺詩後

赴敵年方幼成仁命自輕生哀家祭語死重國殤名舊社
千秋業新亭十月兵南都傳一賦愁絕庾蘭成

小除夕蔡浣霞招同人祭詩於聞貞守默之齋船山

繪圖余賦長句

風吹酒星走下天今夕何夕開豪筵一千年來無浪仙圖
成拍手誇張顛以圖召詩恐詩惱以酒祭詩詩絕倒送窮
纔罷賣癡來主客詩城一時掃座中有客興最頑驢背日
日駝詩還遺書欲索宛委室退筆已竝祁連山饑寒入骨
句爭峭詩許忘形影還弔周旋與我三十年冷諷閒吟幾
同調一編爲爾嗚咽多我詩能泣兼能歌一杯慰爾嘔心
苦我詩能歌亦能舞烟騷魂魄去已遙百怪入室相招要

一絲清氣動肌髮斗柄倒指空堂搖紅燈隔花照成海不
照詩仙照詩鬼鮑家秋冢謝家山泉路何人識光采

正月十三夜蹋燈作

鐙月圓如許東風曲巷生夜添浮蠟色春入鬧蛾聲兒女
青紅態樓臺向背情今年簫鼓樂違道倘休兵
未遂還鄉願聊逢作戲場魚龍亂人影鵝鴨惱風光倦眼
花都隔清遊漏較長飢民如轉燭誰與照逃亡

醉後散步至天橋歸已四鼓矣

夜氣濃浮酒風醒白地如霜逼清冷天公驅月入深黑不
許一城人蹋影春燈十里五里斷節鼓三聲兩聲緊六街
腰裏走若衙萬瓦參差望如井風光誤我佳塵海烟夢催

人墮湖艇孤香隱隱逗梅隄清吹盤盤落松頂天邊哀鴈
角初起門外蹇驢鞭不整歸來已打寺樓鐘坐聽茶聲翻
石鼎

蓉裳先生招集芙蓉山館

巖城更鼓朔風尖問字重依斗室簾半世交情知冷暖一
家詩味別酸甜閒分竹葉沾衣袖笑索梅花插帽簷還是
兒時舊鐙火玉鑪香細夜厭厭

畫圖展出玉雅父好句爭籠壁上紗野蔌登盤思學圃鄉
音入座當還家茶聲細欲成泉夢酒氣多能暈月華一樣
清宵有長短鄰牆西畔惱琵琶

觀獅子燈戲

重重步障如堵牆滿堂交走燈月光一聲羯鼓百戲出衆
影直趨獅子洋一獅突起牙爪張一獅銜尾低復昂黃超
白超互騰躍抉石勢如千丈強祥雲驚處來獅王九獅蜿蜒
長蛇長火牛亂奔卽墨壘燧象怒走黃池旁吼聲據地
風輪忙金猊煙裊紛廻翔星毬盤旋二十四珠蚌迸出燈
中央是時春旂空際颺屏風有人立欲僵終宵且盡魚龍
戲明日相逢竿木場

題紅梅畫冊爲陳石士

和成艷雪比元霜不羨人間鐵石腸一夜東風到宮額紅

羅亭是內家妝

石士新納姬人紅梅其小名也

月淡昏黃畫不如吳儂漸覺艷情除春燈照破江南夢自

寫紅梅閣上書

鄰姬

鄰姬只隔牆芳樹一重廊月額安黃小風腰東素長移燈
還避影近井不窺妝亦知春色好珍重爲王昌

野步

橋頭人影如雲行村前邨後桃花明秋千飄斷小樓角啼
殺鄰牆無數鶯春衫出城颺紅碧草際遊絲一千尺十年
不蹋故山青如此東風總狼籍望裏樓臺似隔紗不知金
犢向誰家忽忽又折亭前柳緩緩空歌陌上花

上巳日寒食同人汎舟通惠河

車聲碾破輦紅輕界路遊絲罥出城我是春來常霧眼看

花不要太分明

笛牀簫譜記遊仙小別秦淮十四年柔櫓一聲春似水可
能搖夢下江天

側帽閒尋長短亭東風今日太忪惺客愁已似漫天絮纔
著長條一放青

看腰草色綠成團閒泥春人當夢看一角孤亭三面水與
誰消受幾分寒

絲雨朝來細似塵啼鶯何苦只催人桃花流得紅都斷野
水聲中哭古春

碧空無際只宜秋橫笛聲中起暮愁一派危闌凭不得天
涯何處著高樓

釣魚臺醉後得長句

溟濛楊柳搖輕烟絲絲綠上春隄鞭春人約我蹋青去埜
花如蝶飛平田前村密樹不知午樹杪濛濛見烟浦烟光
蕩水水搖天冷鷺閒鷗向人舞晴雲高高依釣臺臺影直
壓長橋來長橋跨虹千折浪聲筑聲落天上世間有耳
盡箏琶恨不春來此酬唱河流日暖酒日醇十日不來無
此春臺前春酒且斟酌臺上春風誰主賓春風幕地漁家
過漁人不歸酒人臥短蓑眠夢到江南烟笛一聲吹入破
時歌者徐
郎在座徐郎徐郎奈爾何綵雲欲去聽迴波波心慘淡
波面縐一尺吳腰平白瘦落花都作十丈泥枉煞天邊草
如繡天邊草色深更深送春與爾傷春心車聲日日似流

水豈知中有思歸吟馬頭塵起無南北好景煙銷銷不得
歸攜解障喚焦仙點上君家故山色

焦君理堂
爲補圖

風雨後偕同人至棗花寺看芍藥廢然而返

東風一碧畫亭臺翠地紅情掃不開畢竟將離離未得春
人還共蝶飛來

藍尾杯中醉幾巡不成片段是殘春風枝雨葉渾無賴盡
日離披學酒人

題魚藻卷

湖心皺綠無寸平湖面活雲相向生風拖花片作霞色時
有魚來天上行魚遊在天天在水天水繚人雙眼明空濛
不著墨一點三兩晚鴉知畫情燕山新霽入牕隙照見江

南春水盈開圖太息不歸去湖上闌干空自橫

簡薛畫水郎留別

鄰牆分得綠溟濛一樹槐陰兩寓公門巷幾番聽夜雨樓
臺何意背東風昌黎幸免書三上徐邈惟思酒一中撿點
塵間泥爪在歸心我已託冥鴻

尚絅堂詩集卷三十二

陽湖 劉嗣綰 醇甫

南轅集 壬戌

車輪生角久滯都門一旦南轅浩然而返與世異趨
斯其志歟

將出都門留別諸同好五首

佳亦知無益蕭然出 禁城歸裝憐黯澹別語怕分明
眠冷餘童僕神傷爲友生前途應已熟老馬並吞聲

久客周南滯清遊薊北多醉憑腰鼓鬧狂借唾壺歌薄俗
波方靡貧交氣不磨致身須有用抱卷莫蹉跎

灾疫連年告頻煩 聖主憂邇墟經聚散烽火尙沉浮近

郭遷鷄犬窮邊役馬牛小儒餘涕淚未敢道旁流
事去身名賤窮來志願非還山期獨往入世惜分飛四海
無塵榻三江有釣磯所嗟衣食苦容易掩荆扉
轉憶辭家日霜禽愴一林牽衣慈母淚贈策故人心風雪
長亭路關山短笛吟春明門外夢後夜儻相尋

四月二十六日出都雨宿長新店漫題

埜店無情促卸裝蘆溝南下白茫茫馬蹄流水成終古車
蓋浮雲此散場一雨霑襟如送別孤鐙照夢抵還鄉不堪
更畫荒亭壁舊墨零星字幾行

晚過任邱

落日任邱道淒涼復此行孤蹤穿破壘鬼火上空城傳舍

無鷄唱流民有鴈聲不須嗟歎段身世太遲生

白溝河

獨有蒼茫感霜溝劃不開地餘南渡恨人數北征才山影
驅羊沒河聲立馬來趙家陵闕盡懷古只蒿萊

途中遇南來友人口占卽贈

執手旗亭意惘然鄉音便當尺書傳相看各有蹉跎恨不
坂車逢上水船

曉過趙北口

趙北車中客江南畫裏船水痕侵柳慢橋影聚萍圓星月
漁簪落風烟酒旆懸鞭絲搖不定古驛已新蟬

河間獻王祠

一代坑儒劫賢王足網羅梁園殘冊在魯壁古文多五策
虛廷對三章只廟歌書生今曠世瞻拜愧蹉跎

在平道中五日

邛醪一盞不成溫攜向天中見淚痕客裏葵榴虛照眼人
間蕭艾正當門風騷楚澤無奇氣烟水吳船有斷魂今日
青袍淪落在誰分薌澤與留髡

地有淳于故里

青紅兒女太嬌癡爲過平原又買絲楊柳那堪垂老去蒼
蒲常是未開時歌傳小海家何在恨續湘纍命可知多愧
故人湖上住年年競渡一相思

途次答許鶴丁

下第無長策狂歌有短衣鴻心南去急馬骨北來稀俠氣

窮逾甚風懷老漸非亂山燈火夜合眼到柴扉

曉行登岱

曉夢墮空濶天門還海門孤青亘齊魯一氣塞乾坤落落
靈升降濛濛日吐吞雲車飄忽處中有百年魂

雨夜答小竹

荒鷄多事唱比鄰冷雨瀟瀟夜不晨門外柝催將去客壁
間詩省再來人他鄉夢短如殘燭破屋愁多易積塵客裏
要歸歸要別與君有分是沾巾

陳思王墓

勝地追梁苑賢王並魯宮聲名三國最文藻一家工屈宋
衙官列應劉侍從中衣冠推鄴下軒蓋照江東瓜李遊方

盛芙蓉宴未終爭傳賓館譽別擅選樓風贈枕猶新婦分
香竟乃翁詩篇悼黃鳥詞賦感驚鴻門戶斯爲禍藩房詎
見功山河此年少亂世各奸雄魏闕書徒獻周親表未通
霸圖希自試家變迭相攻苦語真然豆傷心到轉蓬才應
八斗盡命合七哀窮去路遮須遠前塵洛浦空雀臺歌舞
散麟冢古今同骨已枯劉表碑誰立孔融露檠移禁苑冰
井隔榛叢漳水迴流碧魚山夕照紅建安篇什在遺恨弔
秋蟲

劉伶墓

酒人下燕臺零落各歧路隨身攜一鍤獨上叅軍墓翳昔
典午朝海內蔽烟霧竹林有達人不受俗塵汙參軍尤嗜

酒闌關百不顧生原螟蛉豪死亦螟蟻腐一朝醉鄉埋飄
忽委朝露弔君請一言君勿自袒護人生重名教君獨收
常度放廢夫何爲一念成百悞獨醒世固忌獨醉世亦惡
如其世可遺嵇阮誰復互清流君倘悔使我一失步適陷足泥

中故請進水一盂爲君解沉痾

曉過邳州訪理堂學博不及留詩代柬

世路艱如此官齋冷奈何老人橋上少子弟沛中多雞犬
全家住魚龍故國過遲君同濯足明日下黃河

官湖望遠

關河搖落幾吟鞭驛柳如人病可憐秋影沈寥來鴈外莫
愁騷屑墮鴉前亂山不語青遮路野水無家碧到天記別

江南新月色紅樓悽斷又經年

五月望日距順河十里許赤日卓午紅塵沸空車中
勞勞煩渴殊甚因偕竹素口占途中斷句比至旅宿
得若干首卽以書壁

門外驅駒日夜吟疲童瘦馬亦歸心東華那不成天上一
路紅塵換綠陰

旗亭落日挂輕鞭七尺繩牀勸客眠夢過邯鄲無好夜自
攜短枕爛遊仙

白溝河畔草蕭蕭借得江南水一條今夜客魂應斷盡鈴
聲飛過十三橋

屋角荒雞徹夜號古漳南去水如刀馬蹄得得蹋山缺城

上白煙低復高

一鞭岱色逐高低幾點青煙日觀西夢裏不知雲海濶亂
峰飛上聽鳴鷄

門前雪色賣鮒回記得儂家水閣開誰識文園今渴甚梅
黃甚熟未歸來

槿籬蔬圃認依稀抱甕人來此息機歇馬豆花棚下坐新
蟲如雨落生衣

魚山落照弔陳思詞賦猶堪異代師翠羽明璫何限恨千
秋空傍智瑤祠

歌臺終古大風生置酒何當十日傾欲與故園兄弟說今
宵孤夢滯彭城

風色連天似死灰
河流嗚咽客腸迴
此間浣得衣塵否
曾照行人北渡來

晚過高郵示舟中諸子

三十六陂陰漁家
隔岸尋樹踈餘綠
意草死亦紅
心客枕涼猶淺
離盃醉易深
廿年來往地
牢落各如今

淮上感興

市煙起處認淮陰
天半帆檣接古今
月到江南無近色
雲過浦口有歸心
魚鰕漸入湖鄉味
鷄犬都非世上音
莫爲歲寒傷橘樹
年來枳棘亦蕭森

湖夜

櫓聲如鴈起
一夜落沙汀
露華初問菰
風荷忽亂螢
水搖

漁市白鏐背客篷青飛出湖天月般勤數驛亭

晚泊揚州郭外作

江天帆影盡中開新綠如煙擁攏迴楚響隔雲穿樹出市
聲捲月上潮來星河動作經年別淮海空銷絕世才近水
不堪閒徙倚眼前無定是樓臺

重過題襟館效東坡潁濱記園中草木十首卽呈主

人

地隙蔭彌畝草木日以滋我來苦值夏晚晚非春時殷殷
衆綠意如與來者私輕蟬眷新條好鳥戀故枝物候固多
感人情殊在茲晏坐忽忘返適然生古思

東家種桃杏落實可充口西家種蒺藜刺多乃傷手栽培

豈殊功獲報信非偶此中豐與嗇物理當自剖一經來荷鋤吾師灌園叟

幽蘭守空谷邈與大古期寸根重如山宛轉不肯移一朝緣階砌枝葉紛離披離披豈所惜恐使春風疑無言良自芳損之當遺誰

吾家園十畝大樹可合抱有藤繚繞之花時被天表前年樹枯折藤亦口就槁異體同一心離之各顛倒縱然枝蔓留不及寄生草嗟嗟喬木材難爲百年好

種樹勿種芽拔草當拔根病柏屈短垣莖蒿高過門地力耗孰多天心原並論如何長養功不報雨露恩

牆東一樹桑柔條何猗猗春蠶不得食來日難爲衣墻陰

自蒙密坐使桑蟲肥問蟲爾何飽問蠶爾何饑桑下有餓
人相顧生歎歎

楊柳何青青愛此庭陰植託根欣得地幸免道旁折主人
一摩挲蕭散共槃石風來埽苔綠此地足茵席過客閱已
多所傷祇離別攀條後十年不知誰太息

有樓名董公園後蔽叢莽恨不邀公來窺園縱遐賞榮枯
百不問茲土卽息壤桑麻與桃李生理足相養殷勤語園
丁毋爲折方長

新桐高數尺濯露何英英此才中琴瑟根本先和平秋風
爾何來所觸成商聲請聽枯樹中夜夜波濤生
昨得故園書告我三逕荒夜來春草夢一綠生燕塘前年

荆樹枝萎一良可傷三復二蘇詩掩卷懷中腸

見徐朗齋絕命詩讀而哀之

昔年題君投筆圖送君江上聞君呼今來呼君氣先結手
捧君詩君絕筆君除一官楚塞遙猿聲三峽愁迢迢正則
沉憂正平死君魂零落何人招楚天悄無言楚水澹不語
昨夜片雲歸風吹故山雨芙蓉湖上芙蓉花花時不見君
還家尋君忍過舊書屋君有孤兒抱書哭

張氏園憇雨

衆綠爭一門宵若赴幽谷伊人茲賞雨晏坐敞羅屋風闌
亞渚花水簾卷湘竹聊申讌言緒一縱遊覽目盡壁暈金
粉芳塘亂珠玉何以絃余詩泉聲奏琴鏡

魏文帝賦詩臺

西陵歌吹聲悲哀，鄴中高築凌雲臺。黃初擅得好詞賦，軸
牘千里江東來。江東兵爲征吳計，立馬冰天阻兵氣。君王
不武乃弄文，橫槊家風良得意。是時賓從無應劉，軒蓋非
復西園遊。蒼皇禪詔等閒事，坐此翻謂東山憂。轉蓬心悲
豈其泣，家釁方尋暇。籌敵孫郎帳下亦奇兒，坐對長江聞
太息。只今天塹仍波濤，文采已沒餘蓬蒿。當時却笑景升
子，呼鷹臺上霜風高。

宋院本宮人鬪草圖

朱家良慙無餘石，粉墨飄來天水色。錯落泥金舊畫圖，輕
盈鬪草新標格。開元遺事到宣和，宮禁深深百草多。萬古

題紅傳侍女終朝采綠說青娥不同花藥詩盈篋不羨楊
妃紅一捻露葉攀來墜寶釧烟苗摘得收銀甲堦前剗襪
踢香塵轉碧迴黃定幾巡拾翠慣尋長信路拈花應笑上
陽春藏鈎賭罷攤錢戲院本爭看豔中秘蹋踘場圍芍藥
蘭秋千影落蘅蕪地一自青城別上皇六軍南渡太蒼黃
可憐宮女如花散腸斷當年姊妹行紫筠堂外烽烟捲銅
轆悽清玉墀怨流出宮螢照斷釵撲來野蝶開團扇從此
西陵隔墓田回頭南內夜如年模糊秋綠原頭火慘澹冬
青樹底天趙家興廢真彈指讀畫還如披野史觸手能令
翠黛愁牽情不許紅心死一例蕪城草色蕪開將墨淚灑
金盞誰分北里燕文色別寫南唐葉子圖

金十手山初婚沈氏繼娶謝氏皆賢而才均不逾年
卒屬續時各留一物爲念手山有念珠藏佛二詩屬
余賦此以紀其事

牟尼珠妾手穿一珠穿成一淚圓穿到珠圓圓不久解珠
贈郎執郎手穿時郎向妾解時妾背郎傷心妾命短不及
念珠長欲知妾念如郎念珠在郎懷郎自見
郎設佛前誓妾燒佛前香香頭一朝斷眼見妾辭郎辭郎
郎日遠妾在郎心轉轉轉妾相尋郎心是佛心郎如信佛
郎憐妾妾縱不生心不滅妾心依佛有佛知隨郎到佛生
天時

和白樂天集中二詠

拙

世人競百巧我獨守一拙拙豈世所宜賦性得毋劣亦嘗
希俗緣涉彼利名窟一心兩依違十步九顛蹶處世不能
賤乃爲貴者屈持躬不能貧乃爲富者絀護短先失長求
全反成缺惟拙藏吾身聊茲免隕越自笑溝中材已負匠
心哲騁奇兼鬪智鑿枘苦難入爲觀機各判豨軸用徒設
守默以養愚吾師老聃說

慵

少小策頑懦奔驚期絕人蹉跎二十年遂成一惰民田園
久蕪沒浪跡亦已陳悠然號天慵坐閱冬與春傳餐輒忘
午輟沐欲廢晨蕭齋對几席日積一寸塵風月有時至不

問主與賓孤雲一何遲
蕭獨于我親豈甘事願放聊復耽
因循百念已就耗安敢喪我英才不才之間置此閒散身
無謂嵇康懶勿如陶侃勤

讀韋蘇州集

林月墮牕隙愛此晨光微手抱韋公集幽香襲人衣公時
坐拙宦於世無嘲譏豈能蠲世緣靜者累自稀作詩輒效
陶悅性亦庶幾朝喚西溪渡暮掩南園扉開卷時有得孤
雲與之飛有詩可無傳語言當復希

讀孟東野集

詩窮三十年出吻作寒蚓愛讀東野詩每讀饑輒忍譬如
巖壑遊屐齒乃孤引又如江湖水點滴入古井昌黎昔薦

作和言集卷之三
土風雅接前軫匹之瘦浪仙斯論倘非允草心有時春松
色有時冷自忘天地寬豈識死生窘再諷蜘蛛篇嵩山繼
招隱

和石琴手山話月

空庭一水寫簾波放取晴光下綠莎秋至怕經閒院落夜
深空憶舊星河還家夢好君偏短隔世愁來我最多怪底
客魂驚不定亂螢無數落風荷

碧城十二太迢迢僊樂曾聞幾度飄高處樓臺餘影在別
來風露各魂銷美人賸有蕉心卷隱士難憑桂樹招拚掩
湘屏孤坐去世間無奈是清宵

咒雅詞

猶自可鯉魚上天愁煞我

檀來也

淮南小兒齊拍手
擘紙紛紛白甲走
雷塘一夜喧如雷
歌聲天上真檀來
檀來歌周主入老
鸛河邊船幘集高
並江南樓百尺樓
高百尺宴未休念
家山破琵琶愁

金帶圍

姚黃魏紫開唐花
宰相與花同一家
宋時金帶四花並
宰相與花同一命
廣陵二十四品圖
似此一品花中無
花中宴客客爭折
他日黃花誰晚節

歐公柳

桓公柳金城邊
歐公柳平山前
官塘楊柳千株植
柳眼曾

看幾今昔醉翁一醉七百年記得荷花爲公折荷花依舊
邵伯湖此柳得似甘棠無

詔諭降

詔諭降宋兩宮謝太后瀛國公詔諭降辱宋國張思聰許
文德詔書可焚不可降臣負斯言如此江江流到海萬萬
古無人降得厓山土

葬袍笏

閣部堂堂好男子孤軍半壁揚州死閣部死城不完風吹
碧葬餘衣冠梅花嶺上愁雲黑騎鶴魂歸招不得馬阮凌
煙好顏色

晚虹

藏見只常理雨晴偏暮愁樓臺虛歛夕天海遠橫秋水
當橋落餘霞背嶺收垂虹歸未得指點說吳頭

水禽

江遠已無際水禽閒更寬敢言栖宿冷祇惜羽毛單烟雨
相呼失風波獨立難秋來空見影辛苦蓼花灘

歸樵

樵風吹不斷歸路與山深倚石有時醉爛柯還見尋白雲
沈暮響紅葉下秋心高揖鹿門客行歌方入林

聞鐘

落日一聲鐘茅庵第幾峰乍涼分斷杵餘韻入高松閱世
諸天隔栖心萬籟重暮雲歸去盡猶自倚孤筇

古戍

古戍少人行斜陽臥老兵寒雲依廢堠野草沒空營烽火
今方告關山路未平危樓登不得殘角亂山橫

水花

爾豈無根蒂生來住水鄉蕭疎餘冷豔搖落共秋光澹足
江湖思清兼月露香總然顏色好愁絕黯橫塘

漁火

漁火暮邨邊漁家晚飯前疎星明水國落月暗江天風笛
爭高唱霜蓬祇獨眠蒼茫休遠望十里斷人煙

枇杷

盧橘秦中樹枇杷蜀客門書來蠻雨暗騎走驛塵昏亦有

吳山翠相依煙水邨朝來挂帆去吾欲買園論

山燒

野草心都死秋山骨更寒荒煙連燒起細路入雲盤直使
高原燎能令絕壑乾邊烽驚未已立馬幾回看

哭金四朗甫

與爾相爲命招魂竟各天生理驚玉樹死別慘瓊筵

朗甫入詞

館甫

一病成長夜孤懷不永年臨行衣上淚點滴已重泉

人海論交好何曾戀薄名讎書投夜寺畫壁走春城草草
經哀樂茫茫判死生撫棺吾未得風雨望銘旌

哭朗甫後十日復得皋聞之訃詩以志哀

蕙嘆芝焚總劫灰巫陽招斷向蓬萊妻兒累重猶孤館師

弟緣深竟夜臺不信修文真赴召須知識字卽爲灾篋中

剩有虞翻易

虞氏最

深

骨相同屯劇可哀

十載憂時志未伸天教

恩遇到詞臣

君散館奉

特旨簡留

科名豈

足榮吾御風義端須惜此人實學披羅三篋富浮生斷送

一官貧徐陳已逝風流歌常使登樓客愴神

尚絅堂詩集卷三十一終